

ABRAHAM SACRIFIANT

[500] Cil qui si bien a resisté
A tant de maux qu'il a porté !

Demie Troupe.

[505] De dire qu'il craigne la guerre,
Estant en ceste estrange terre,
Il n'y auroit point de raison :
Car nous sauons qu'une saison
Abimelech, qui est seigneur
Du pays, luy fit cest honneur
De le visiter, & prier
Qu'à luy se daignast allier,
De sorte qu'en solennité
[510] L'accord de paix fut arresté.
Au surplus, quant à son mesnage,
Que peut-il auoir dauantage ?

Demie Troupe.

Il vit en paix & en repos.
Il est vieil, mais il est dispos.

Demie Troupe.

[515] Il n'a qu'un fils, mais Dieu sait quel :
Au monde il n'en est point de tel.
Son bestail tellement foisonne,
Qu'il semble à voir que Dieu luy donne
Encore plus qu'il ne souhaite.

Demie Troupe.

[520] Il n'y a chose tant parfaiete,
Qu'il n'y ait tousiours à redire.
Je prie à Dieu qu'il le retire
Bien tost de la peine où il est.

Demie Troupe.

Ainsi le face, s'il luy plaist.

Demie Troupe.

[525] Quoy qu'il y ait, ie presuppose
Que ce soit quelque grande chose.

Cantique de la Troupe.

Quoy que soit cest vniuers
Tant spacieux & diuers,